

NARRATIO  
DE PRAELIIS

57 2

gestis inter 34-4-1-22 -

POLONVM, ET TVRCAM

Annis 1620. & 1621.

Per

MATTHIAM TYTLEVSKI

Nobilem Polonum.



2

ANIMO SPECTATVS, ET ARMIS.

NEAPOLI, Ex Typographia Lazari Scorigij. M. DC. XXII.



3

Illustrissime, & Reuerendissime Princeps,  
Domine D. Antoni Cardinalis Zapata,  
Sacrae Catholicae Maiestatis in inclyto  
Regno Neapolis Locumtenens,  
& Capitanee Generalis.

**M**attbias Tytlewvski exponit. *Quomodo Illustrissimus, & Reuerendiss. D. Adamus Makoski Serenissimi Poloniae, & Suetiae Regis in hoc Regno Neapolis Internuntius, habitis de anteacto inter Polonum, & Turcam bello, veris sum ex Patria, quam etiam Constantinopoli relationibus, iniunxerat ipsi, ut id totum, quidquid proprijs Polonus viribus profocis, arisque contra communem Christiani nominis hostem sustinuisset, succincto complecteretur ordine. Et licet is tanto se parem oneri esse dubitet, ut hoste cruenti Martis, quibus tota ferme tremuit Asia, sufficienter tenui perstringat penna strepitus; impositis tamen parendo iussis precatur, ut hoc, quod ipsi mundo patuit, typis Tua, Illustrissime Domine, auctoritate innixum sacrae consecratur memoria; quo vel Polonia superis auxiliantibus fortitudo, quae Turcarum Imperatorem vinci posse demonstraui, à posteris suspicietur; vel renitenti, ad impetendum simul hostem, orbi Christiano animum dabit.*

*Reuerendissimus Dominus D. Adamus Makoski Serenissimi Poloniae, & Suetiae Regis in hoc Regno Neapolis Internuntius videat huiusce narrationis seriem, & inscriptis relationem faciat suae Illustrissimae Dominationi, si est conformis veritati facti, & euentorum in congressibus Exercitus Turcici, & Tartarorum in inuassone Regni Poloniae, ut fidei historiae conuenit; ut illa visa prouideri possit super petita licentia imprimendi.*

Valenzuela Regens.

A 2

Ego

Ego Adamus Makoski Serenissimi Polonia, & Suetia Regis  
in hoc Regno Neapolis Internuntius testor hanc de Prælijs in-  
ter Polonum, & Turcam gestis, à Matthia Tytlewowski iussu  
meo succinctum in ordinem, redactam narrationem esse ve-  
ram, prout id ego ex multis, iisque certissimis de Curia Sere-  
nissimi Polonia Regis Domini mei clementissimi literis, & re-  
lationibus acceperam. In cuius rei fidem id manu mea sub-  
scripsi. Neapoli die octava Aprilis 1622.

Adamus Makoski Internuntius Serenissimi Poloniae,  
& Suetia Regis.

Imprimatur, & publicetur.

Valenzuola Regens.

Alexander Russus Canonicus Deput.

Tarusus Tarustus Congreg. Oratorij Dep.

Imprimatur.

Lælius Taftius Vic. Gen.



ALBA,  
insigne

AQVILA  
Regni Polonic



*Scepitigeri, expande, quorū hinc armiger, pte, lōque tuo genuit Mahumeti Luna sub ungue.  
Ingenti lachryarum fletu in aīa, deus: Quo rapidus lambit Dacia prata Tyras  
Luna ubi Sarmatū dēribi prada cernitur, Imple Mahumeti rediens in praelia sylus,*



Vplicem Sarmatiam, vel Sauromatiam veteres illi orbis speculatores Asiaticam, & Europæam dixerunt. nunc de Europæa sermo est, quæ siue ab Assarmot filio Iectani de stirpe Sem, siue à Sauros & omnia græcis verbis, quæ viperinos oculos significant; eò quod eius populi, armis & animis præstantes fuissent; siue à montibus Sarmaticis antiquitus dicta, qua nunc amplissimum Poloniæ Regnum continetur. Et verò cum orbis ille Septentrionalis antiquis adumbratè patuisset Geographis, non mirum, si recentioribus, qui longè aliter in dies experiuntur, antiquorum authorum relata, vana quasi somnia videantur. Vna tamen tum veteres, quàm neoterici sententia Europæam Sauromatiam ab occasu solis flumine Vandalo, nunc Istula dicto; à meridie montibus Carpathijs; ab ortu flumine Thanai, à Septentrione mari Henetico, nunc dicto Suëuico, terminari asseuerant.

*Sarmatia  
Europea,  
cuiusque  
fines.*

A multis hæc nationibus prisco sæculo habitata fuit, & potissimum ab Henetis, qui post dirutionem Troiæ, alij cum Antenore Illiriam possedere, à quorum nomine mare Heneticum, nunc Veneticum, & famosa Ciuitas Venetiarum plurium nunc prouinciarum domina, irrumpente in Italiam Attila Hunnorum Duce edificari cæpta, nomen traxere; alij Pontum Euxinum ex Asiatica Sauromatia in Tauricam Chersonesum transuecti, inde eas regiones occupauere, quæ flumen Vandalus, & mare Septentrionale Heneticum ab eisdem, nunc Balticum dictum ambit: Hinc eos populos tantopere propagatos fuisse, vt non tantum Europæam Sarmatiam, verum etiam Istriam, Dalmatiam, Mysiam, Daciam, Pannoniam, Bulgariam, potentia Romanorum repressa possedissent. variaque siue à Ducibus, Regibusque suis, siue à montibus, siue à fluuijs, locisque diuersis nomina

(cum

*A quibus  
populis  
olim habi  
tata fuit.*

(cum vna fuisset natio) sortiti, Vandali, Alani, Roxolani, Illirici, Dalmatæ, Daci, Istri, Slauones ( quibus vnum fuit idioma) nuncupabantur.

Primus  
Gothorū,  
& Henetorum  
in Italia  
aduē-  
tus.

Dumque ita Heneti, in Sarmatiæ, multisque alijs Europę regnis dominarētur, ferocissimi ex Insula Scandia, nunc Suetia, populi dicti Gothi, per mare Heneticum Septentrionale in Sarmatiam cum numeroſo exercitu deuecti, iure hospitalitatis cum Henetis, Vandalisque multò ſcūlò utebantur. Poſtmodum vnanimes coniunctis viribus, imperio Romano potiti, cum armorum ſtrepitu Italia, & Gallia peragratis, partim in Hiſpania, partim in Africa conſedere, impoſitoq; duabus Hiſpaniæ prouincijs, Vandaluſiæ à Vandalis, & Cathalonie à Gothiſ & Alanis nomine, Regibus ex regali Gothorum ſtirpe electis ſubiiciebantur.

Trecentis annis nomen hoc Gothorum Regum in Hiſpania durauit, tandem poſt impetum Maurorum, clam & ex priuato odio, à Comite Iuliano Tingitanę prouincię præſide, & aduerſus Mauros in Africa Duce, in Hiſpaniam contra Rodericum Gothorum Regem adductorum, Pelagius ex ſtirpe Regum Roderici ſucceſſor, collectis Gothorum Vandalorumq; viribus, reſpreſſa Maurorum potentia, Rex Hiſpaniæ appellari cepit, ſtatuitque vt ſui ſucceſſores, Hiſpaniæ, non Gothorum Reges appellarentur. Ab his itaque Gothiſ, Vandalis, Alanis, Henetiſque ferociſſimis Europę Sarmatię populis, bellicoſiſſima Hiſpanorum natio magna ex parte deſcendit.

Primi Po-  
lonorum,  
Bohemo-  
rumq; Prin-  
cipes, &  
prima eorū  
bella.

Conceſſerant etiam duo germani fratres Lechus, & Czechus Principes Dalmatiæ, antiqua Henetum ſiue Slauonorum ſtirpe oriundi, cum ſuis exercitibus, in Sarmatiam Europęam. Cechus ad flumen Moldam, & Elbim; vbi nunc Bohemię regnum cōſedit. Lechus verò vltorius Septentrionem verſus progreſſus inter Vandalum & Gutta- lum flumina, ſedem ſuis poſteris poſuit, iecitq; fundamenta Ciuitati Gneſnæ, quę in lingua vernacula nidificationē ſonat,



sonat, eò quòd eo loco multas aquilas, earumq; nidos reperijset. faustum hoc augurium fore ratus, aquilam albam, repugnando fortè Romanis, pingi suis vexillis curauit, quæ hucusque Regno Poloniæ pro insigni est.

Vix dum Lechus eo pedem fixisset solo, protinus à cupidis, siue Vlmerigis ope Regum Daniæ fultis contra belligerari coeptum. fauit ita aduenis fortuna, vt non modò generosa Lechi posteritas eos domuisset populos, verùm etià Siuardum Regem Daniæ nauali prælio prostrauisset, acceptoque in obsidem ipsius filio, tributarium sibi fecisset.

Multa, & præclara cum circumuicinis hostibus, Romanorumq; Imperatoribus Polonorum maiores bella gessere; sed cum illa ætate barbarico, expertes literarum, vixissent more, eorum fortia facta, vel alia cæcis inuoluta obliuionis tenebris, vel alia, alij sibi vendicarunt.

Tandem diuina clementia Miecislus Polonorum Princeps spreto falforum Deorum cultu, fidem Catholicam, Romanam, anno à partu Virginis 966. sub Ioanne XIII. Summo Pontifice suscepit. Huic sanctè è viuis sublato, successit dominij nō degener patri filius Boleslaus Chrobri, ab Ottone III. Romanorum Imperatore, albo aliorum Christianorum Regum adscriptus, & à Gaudentio Archiepiscopo Gnesnensi coronatus, Regium diadema suis posteris, iulq; coronandi Reges Poloniæ Archiepiscopo Gnesnensi æiternè reliquit.

Miecislus  
Polonorū  
Princeps  
prim⁹ Chri  
stianus, &  
Boleslaus  
eius filius  
prim⁹ Rex  
Poloniæ co  
ronatus.

Mouit ea Religio gentilem Sarmatiam, sedulaque fidei Catholicæ Polonorum cura, quam in extirpandis maiorum suorum simulacris, idolisq; habuere; terruerunt barbaros omnium bellorum prosperi exitus, quæ pro noua suscepta fide strenuè gessere, rabiosisq; motis contra Polonos armis, sui interitus, maiorum verò nostrorum sempiternæ gloriæ causam dedere. Nec derectauit Polonus Vladislaum Iagellonem, magnum Lithuanie Ducem Regno assumere, tum vt fidem Romanam suscepisset, cum etiam Lithuanie Du-

B

catum;

catum, regno aggregauisset. Is suscepta fide, iunctoque indissolubili foedere Ducatu Lithuanie cum Regno Polonie, illud ita dilatauit, vt nunc primis Christianorum Regnis comparari possit.

Polonia u  
de n. nien  
t. it. ciul.  
temq; ter.  
mini.

Regnum Polonie dictum à Pole, quod in lingua Slauonica campū significat, vel quod illud in fertilissimos campos, & planities se diffundat, vel quod eiusdem incolis aperto campo bellandi mos semper fuisset, his cōtinetur terminis. Ab occasu Solis maior Polonia sedes antiquorum Polonie Monarcharum finibus Germanie propè Elbim fluuiū adhæret; à meridie montibus Carpatijs, ab Vngaria, & Imperio Othomano flumine Tyras distinguitur; ab oriente mari Euxino, & flumine Boristhenē à Taurica Chersoneso, & magno Ducatu Moschouie determinatur; à Septentrione ordiendo à Liuonici maris sinu, mari Baltico cingitur. Annis nō multum elapsis Serenissimus Sigismundus III. Polonie, & Suetie Rex, subacto armis ultra Boristhenē latissimo Seuerie Ducatu, propè Thanaim, siue Don fluuiū in magno Moschouie Ducatu, terminos dominiorum Regni sui distendit. Vastissimum est Regnum, & opulentum, plurima alia regna frumento, carne, & omni genere comeatus, terra, marique sustentat.

Regni Pro-  
uincie.

Habet Polonia diuersas Prouincias, quæ cum ita vastæ sint, vt fermè per totam Europæam Sarmatiam extendantur, regna potius, quàm prouinciæ dici deberent; cum tamē vni subsint regno, nomen eiusdem sortiuntur. Maior, minorque Polonia, Magni Ducatus Lithuanie, Russiæ, Prussie, Mazouie, Samogitie, Liuonie, Pomeranie, Seuerie vnum efficiunt regnum, quorū incolæ, etsi lingua penitus aliqui, alij verò dialectis tantum inter se differant, omnes tamen nobiles à plebeio seiuncti statu, vna, eademq; cum Polonis nobilibus libertate, & inter se pactis vtuntur legibus. Nec credo aliam nationem in orbe reperiri, quæ Poloniam nobilitatē quauis libertate æquare possit: huic tantum Reges liberè

Nobilium  
libertas.

liberè electi placatè dominari, nec bella quæuis, sine consensu eiusdem decernere, eadèmq; prosequi possunt; vnusquisque nobilis, par Principibus, integrum in suos subditos vitæ, & necis dominium habet. In hac tamen tanta libertate nunquam inclutam Regum suorum posteritatem Regno assumendam Polona nobilitas deseruit.

Præterea Polonia, generosis, ijsq; ad sustinendos labores aptis abundat equis, vel pascuorum, & frumenti abundantia causa, vel maximè, cum in armis nobilium firmamētum Regni consistat, & ijs mos auitus in equis aperto Marte bel-landi sit, cuius hosti potētissimo magis equestribus, quàm pedestribus resistunt copijs. Mirum forsan ignaris videbitur, si asseuerem, ex nobilitate Polona viritim conscripta, trecentum selectorum equitum millia, peditum verò centū millia, relicta domi maiori parte, tum arcium præsidio, quàm etiam agrorum colendorum causa, confici posse.

Quod robur, si non innumerabiles cum ferocissimis, validisque hostium exercitibus, vbique locorum à maioribus nostris obtentæ victoriæ, quibus Asia, & vniuersus perstre-pit Septemtrio, vel saltem præsens, cruentum cum Otho-mano bellum, quo ille his annis duobus proximè præteri-tis, subiugando Regno Poloniæ totis ferme Asiaticis viribus incassum inhiavit, cuiuslibet ad manifestandum par erit.

Cuius belli antequam originem, & causas dicendas ag-gressus fuisset, hæc de principio, situ, potentiaque Polonię paucis præmittenda putavi.

Posteaquam Mahumet Turcarum Imperator regnante Casimiro Iagielone Poloniæ Rege anno à nato Christo 1453. Constantinopolim Paleologo Imperatori, luctu om-nium Christianorum eripuisset, elatus ea fortuna vicinam imperio suo, Regnoque Poloniæ tributariam Valachiam crebris petebat bellis, quibus aduersam belli sortem sæpius expertus, æternum cum Casimiro Rege pepigit fœdus. Id Regibus Poloniæ, & Turcarum Imperatoribus semper

Constanti-nopolis à Turcis cap-ta.

Causæ belli  
inter Polo-  
nos, & Tur-  
cas annis  
1610. &  
1621.

Hierosantum fuisset; si non Tartarorum Precopienſium, imperij Othomanici tributariorum, inditiones Regni Polonia; vicissimq; Cosacorum per mare Euxinum (quo ipsi ad ostia Boristhenis, vbi famosa Ouidio exulante Tomos antiquitus fuerat, ex vniuerso Regno conglobari consueverat) dominia Turcica igni, ferroq; depopulantium excursionibus rumperetur. Hæc causæ belli vtrisque populis cùm omni ætate fuissent, nihil tamen publico bello tentatum est. Priori tandem anno, qui millesimus sexcentessimus vigesimus erat, regnante auspicate Serenissimo Sigismundo III. Polonia, & Suetiæ Rege; Turcarum verò Sultan Ossman, Imperatore, exusta à Tartaris Podolia, opulentissima Regni Polonia; prouincia; dirutaq; à Cosacis vicissim Cassa Tartarorum, Varna Bulgarorum, Trapexus in Asia, fortissimæ Othomanici imperij Ciuitates; nouum belli fomentum vtrisque Principibus dedere. Atque magis ardēte vndique bellis ciuilibus orbe Christiano, illius inuadendi optima occasione Imperator Turcarum, vtendum sibi fuisse, eo, quo imperium Othomanicum creuit dolo censuit, eoq; omnes conatus, & consilia dirigenda esse, vt primò Regno Polonia; muro, & propugnaculo totius Christianitatis potiretur; quo subactò, & impedita; terra, marique rerum affluentia, qua hoc Regnum multa Christianorum dominia sustentat, faciliè Christianis se dominaturum pollicebatur.

Ruprum à  
Turca fo-  
dus.

Mittit confestim in Valachiam Skinderbassam suorum exercituum Generalem cum quatuor Turcarum millibus, hominem vaferrimum, sanguinisq; Christiani auidissimum, belliq; cum Polono incipiendi negocium ipsi committit. Celauerat fraudem perfidus Skinderbassa, Generalem Polonorum Stanislaum Zolkieuium in Valachiam specie iniuriarum prius consilio, quàm armis discernendarum, pactis conuentis vocat. Progreditur in Valachiam Generalis Polonus cum exiguis suorum copijs, castraq; ad Ceorâ, loco inter se, & Skinderbassam sancito locat. traiectus

Danu-

Danubium Skinderbassa, cum parua nostrorum (septem enim millia non excedebant) manum vidisset, vocatis septuaginta Tartarorum, Valachorum duodecim, Moldaueorū decem, Vngarorum septem millibus, quos ultra Danubium in diuersis occultauerat locis, ipse cum quatuor Turcarum millibus, non de pace confirmanda, iniurijsq; discernendis, vt cum Generale Polono pactis steterat; verū rupto fœdere, ea barbarorum multitudine paruū nostrorum numerū absorbere conabatur. Circumducit nostrorū castra innumeris hostiū legionibus, vnde quaque violenter adortur. Polonus Generalis se iam circumuentum videt, impavidus tamen turbatos aliquantum animos erigit, in castris stare, ac pugnare iubet, nec arte iam quauis, sed imploratione Dei, vi, ac virtute euadendum esse, per mediasque barbarorum acies ferro viam fieri.

Eo ipso die tres hostium impetus, cum maxima eorum strage à castris nostrorum repressio inde viginti tribus diebus, Polonis pedem ad flumen Tyras lentè cum castris referentibus noctu, diuque tū in castris, tū in acie pugnatum fuit.

Spes alebat barbaros, si non multitudine, diuturnitate tamen oppugnationum castra Polona rumpi posse. nec frustratus easpe Orhomanus, ac die ab oppugnatione vigesimo quarto castra Polonorum, quos iam longum iter, continuæ excubiæ, nō barbarum multitudo vicerat, expugnat. Hæc est nobilis in Valachia pugna; atque inter paucas memorata Polonorum clades. tria Polonorum millia cum suo Generale, cæsis triginta hostium millibus in acie periere, reliqui diuersis itineribus dispersi, in patriam rediere.

Lugebat vniuersa Polonia tantam suorum cladem, moriendum potius, & vindicandum ardentibus animis, nec metuendū hostem perfidum, qui fœdera rupisset, exclamat.

Celebrantur Regni Comitia, bellūq; contra f; disfragū decernitur, nouus exercituū Generalis Carolus Chodkievvic magnæ

magnæ prudentiæ, & experienciæ militaris vir creatur. Mittuntur ad Christianos Principes legati, molem belli cū hoste Christiani nominis, denunciant, subsidiumq; petunt. Nec desperatus aduerso apud Principes Christianos successu Polonus, Dei auxilio, viribusq; suis innixus, duobus orbis terrarū terroribus Turcæ, & Tartaro se oppositurū parat.

Interea Serenissimus Rex decem Cosacorum millia, ad infestanda per mare Euxinū Turcica dominia, comeatusq; impediendos expediuerat, cum Carolus Chodkievvicz recens creatus Generalis collectis quantum ea celeritas concessit, equitum catafractorum hastatorum duodecim, equitum grauioris armaturæ, vulgò Raitarorum, quatuor, Cosacorum quadraginta, peditum Polonorum tredecim, Pruthenorum, & Pomeranorum octo, Vngarorū tribus, stipendiariorum militum millibus, obuiam Othomano in Valachiam expansis processit signis; traiectoq; flumine Tyras, in Valachia munito satis loco die penultima mensis Augusti anni 1621. castra posuit. Vltima Augusti, & prima Septembris muniendis castris data est dies.

Numerus  
exercitus  
Polono-  
rum.

## Die secunda Septembris.

Numerus  
Turcici  
exercitus.

**N**Vnciatur à lustratoribus Polonorum Othomanum cum trecentum Turcarum, centumq; Tartarorum millibus, iam iam aduentare. Ante octidiū premiserat Generalis noster aliquot Cosacorū millia, vt hostem in viarū anfractibus, velitationibus lacefferet. ij nō segniter re gesta, ea die cū hoste preliantes in conspectu castrorū cōparuere.

Vix hostis in oculis nostrorum castra locauit, cū mirus militum ardor rem acie gerendā esse fuit; visum tamen expertis belli Ducibus, non esse cōmittendā periculosę aciei, tām Regni Polonię, quàm vniuersę Christianitatis summā, cunctatione potiùs, prima concitato furia resistendū hosti. Eo ipso die pars Turcici exercitus sub Polonorū comparuit castris,

castris, cōtinuisq; velitationibus cū milite Polono decertauit, in quibus mille octingenti Turcę perierunt, multiq; cōminus hastis, frameis, eminusq; tormētis bellicis vulnerati, in castris moriebātur barbari. ex Polonis quinquaginta desiderati, triginta faucij. Hęc prima militaris salutatio fuit.

Sub vesperū dimittit Othomanus aliquot Valachos nobiles, specie salutationis ad Generalē nostrū, vt vbi commodum ijs videretur, castra Polonica succenderent. obita salutatione, vnus eorum ad quæstionem ductus, omnē patefecit machinationem, & conscios fraudis detexit, qui cum in tortura eadem fassi fuissent, omnes eodē loci ita clanculum capitis supplicium subierunt, vt non modò Turcis, sed nec Polonis quidē constaret. Tum Generalis Polonus noctu circum castra in multa loca cōferri ligna arida, farnētaque, strues componi, iisdemq; ignē subijci iubet, educisq; Cofacorum decem millibus, & Pruthenico peditatu, hunc in fronte, illos in lateribus locat. Vbi Othomanus flāmas in sublimē ferri conspexit, ratus successisse dolum, ad inflammata Polonorū castra suum militem gregatiim immittit. In ipso castrorum aditu inopinatō à Cofacis, peditatuq; instructo excipiuntur barbari. res gladijs stringi cępta: cęterum cum præ strepitu, ac tumultu nec cōsiliū, nec imperiū barbari accipere potuissent, ad gemitus vulnerum, iētusq; corporū, aut armorum mistos strepentium, pauentiumque clamores perterriti, cœca rabie ad cædē ruebant; alij proiectis armis, cadauerum cumulis illati hærebant: alios fugientes agebat retrorsum ad puḡnā euntiū agmen. tota ea nocte atrociter pugnatū, dies diremit prælium. Turcę in castra retrocessere.

### Die tertia Septembris .

**I**mperator Turcarum delusum se esse videt, fremensq; ex tribus partibus castra nostrorum adoritur, ab eo nimirū loco, quo castra Cofacorum nostris adhærebant, vsque ad extre-

extremum agmen Polonici exercitus. toto eo die atrociter dimicatum est. ex castris Polonorum in hostem tormentis bellicis res prosperè gerebatur. ante Solis occasum Turcæ se in castra recipiunt.

Exercitus  
Serenissimi  
Principis  
Vladislai.

Serenissimus Vladislaus Princeps, eo die cum triginta Velitum millibus, multoq; apparatu bellico in castra venit. Nocte, dieq; præterita, cæsa sunt plusquam viginti hostium millia.

Hæc dum agerentur Magnus Dux Moschouiæ contracto ingenti exercitu in Ducatum Seueriensem irruperat, ac pañtorum, istiq; foederis immemor, omnia depredabatur.

Gustauus Princeps Sudermaniæ, occupator Regni Sue- tici, cum magna classe per mare Liuonicum deuectus, Ri- gam ciuitatem regiam, Liuoniæ portu insignem obsidet, eandemque per caluinianam traditionem intercipit.

Ea aduersa fortuna multum Regno Poloniæ negocij fa- cessabat: res enim cum tot potentissimis terra, marique hostibus, vno, eodemq; tempore gerenda fuit. Vocantur Senatorum Regni, & nobilium consilia; vniuersa nobilium expeditio ad resistendum tot, tantisq; hostibus more maio- rum viritim indicitur. Serenissimus Rex missa contra Moschouitam, & Succum, parte Lithuanæ nobilitatis, ipse contra Othomanum cum Polonis ire parat.

## Die quarta Septembris.

**O**Rto Sole, Imperator Turcarum cum vniuerso exer- citu castra Cosacorum (hæc enim in fronte castro- rum ipsius erant) adortus, tormentis bellicis, & bombardis acriter certatum, quinque horis oppugnatio durauit. Co- sacus ex munitionibus animosè propugnabat, hostis ma- gna vi, atque impetu irruebat, ac proinde ingens barbaro- rum multitudo interijt. Eodem tempore immittit multas Othomanus Ianicerorum copias ad eam castrorum partē, qua



qua Campiductor Polonorum cum suis Centurijs stabat. Procursum è castris contra, conteruntur equitatu Polonico Ianiceri, pauciq; ex ijs pedem ad suos referunt. Iterum Othomanus cum vniuerso exercitu ad castra Polonica, reuoluitur, frustraq; iterato insultu, cum magna suorū clade coactus recedit. Denuò vna circiter ante occasum Solis hora, castra Cosacorum maiori quàm antea vi oppugnare cæpit. Iam barbarorum ferociæ castra Cosacorum cedere videbantur, cùm Deus præstò suis affuit: Cosaci enim facta per posteriorem Castrorum partem eruptione, iunctis viribus cum hastatis equitibus, à Generale ad subsidium ferendum dimissis, Turcas comminus adorti, atrociq; cōmisso prælio, confertissimas hostium legiones in fugam egerunt, magnaq; in ipsis edita strage, eos vsq; ad Castra Othomanica sequebantur, multa tormenta bellica asportarunt, magnaque onusti præda instante nocte, barbaricò cruentati sanguine, in castra paucis suorum amissis, redierunt.

Ipse Turcarum Imperator qui ad hoc spectaculum prodierat, ex acie coactus ad castra sua euasit. Cæsa sunt hac die plusquam quindecim Turcarum Tartarorumque millia, Ianicerorum verò tria millia ex nostris duceti fermè desiderati. Hæc tanta hostium tùm in præteritis castrorum oppugnationibus, quàm etiam in acie aperto Marte conflictibus factis clades, paucorum verò Polonorum interitus, diuino auxilio, quod Polonis cælitus aderat, non quibusuis humanis viribus adscribendum.

### Die quinta Septembris.

**V**Trinque quies erat. Cadaueribus sepeliendis opera dabatur, ne fetor eorum castra inficeret; tanta enim consternatio cadauerum, solis vrentis calore horrenda visu, ipsos terrebat barbaros, vt noctu cum facibus eadem sepelire cogerentur.

C

Hoc

Hoc die Turcæ mōtis retrō castris, nouam Polonicorum Castrorum oppugnationem parabant. Nec mora Polonus inuocatis Superis, educta in aciem in latera castrorum exercitus parte, animosè hostem præstolabatur: iamque Turcarum tergiuersantia agmina in aciem more pecudum pellebantur; cum pluerē circa meridiem cæperat. nihil eo die tentatum est.

### Die sexta Septembris.

**F**Vgit ex castris Turcarum quidam Cosacus, qui septennio in Turcica seruitute existerat, affirmabat is, cæsa fuisse in superioribus castrorum oppugnationibus quatuor Ianicerorum millia, Spaghios trecentos periisse; Turcarum Tartarorumque plusquam quadraginta millia. qua cæde barbaros ita perterritos, famisq; quæ in castris eorum regnabat pertæfos, multos ex castris fugam capefisse.

Hoc quoque die Turcæ quieuerant, vel quòd Imperator in gratiam oppugnationis, pecuniam militi largiretur; vel quod eorum castra, quæ multis collibus latè patēbant, stringerentur.

Idem referēbat Turcas per castra mustrare, duodecim trirēmes armatas, à Cosacis in mari Euxino captas, submersasq; fuisse, reliquas Constantinopolim aufugisse, quas sub ipsa mēia Cosaci insequuti, omnia terrore compleuerant. Huius primum cladis nuntium fremebundus Othomanus strangulari iussit, indixitq; die venturo Castrorum Polonicorum validam oppugnationem. Hoc idem multi Turcæ in excubijs capti vnanimi consensu asserēbant.

### Die septima Septembris.

**F**Acto Ianicieri, aliq; densæ Turearum cohortes horrendo clamore præproperè castra Cosacorum adoriuntur, mis-

missisq; in aduersum montem tormentis bellicis, eos globis ardentibus impetunt. Toto die molem exercitus Othomani impavidus sustinet Cosacus, mille quingentisque tormentorum globis petitus, cum parua occisione, adiutus Pruthenico peditatu hosti resistit. Tum post meridiē hostis castra Cosacorum oppugnare cessat, nouisq; agminibus castra Polonica adoritur. Ea ferocia, animusq; barbaris potiundorum vi castrorum fuit, vt ceca rabie in arma Polonorum procurrerent, quamuis vndique mactarentur. Iamque aggeres, & propugnacula, quæ circū castra fuerūt, ex equis desilientes Turcæ transcenderāt. verū non minor nostris animus, quā barbaris ferocia fuit; nam Poloni ē castris in aciem cum duobus hastatorum equitum millibus à latere in hostem procurrunt, nouumque prælium instituunt. Numero barbarus, animo Polonus superior erat. instat firmior media hastatorum acies, legionibusq; hostium immergitur: iamq; primo hostium agmine pulso, in secundum, pugnabat: mittuntur ex castris auxilia, in auersamque hostium aciem, leuo cornu incurrunt. Is demū impetus hostilem inclinari fecit aciem. Procurrunt Cosaci ē castris in fluctuantia Ianicerorum agmina, fortiterq; dimicant. Ceterū tanta strage hominum armorumq; locum in quo barbarorum exercitus steterat compleuerant; vt propè per ea difficilior transitus esset, quā per cōfertissimos hostes fuerat. Densatis agminibus equites Poloni qui acie ruperāt, tū altera parte Cosaci percumulos cadauerū, armorūq; & tabem sāguinis, fugitiuum vsq; ad castra Turcarum sequebātur hostem. Nox victoriē cursum inhibuit. Illi verō Turcæ qui primas Castrorum fossas transcenderant, ibidem omnes cēsi sunt.

Tōto hoc die Othomanus castra Polonica summa vi expugnare incassum cum magna suorum strage nitebatur; nā cēsorū in acie, in castrorumq; fossis plusquam quadraginta reliquit millia. Solius omnipotentis Dei manum prote-

atricem Polonorum fuisse quis non videat? cum in tot in ipsos tormentorum explosionibus, barbarorum incurfionibus, in tamq; cruento cum hostium turmis commisso prelio ne trecenti quidem Poloni periere. Castellanus Polocensis cum viginti hastatis equitibus Polonis, pro patria gloriose occubuit. Ex Turcis duo Bassæ interiере.

Hora noctis tertia, multa Turcarum agmina in aciem ubi pugnatum fuit, cum facibus venere, excitòq; lugubri ciulatu ceforum cadauera in fossas, & tumulos deportabant, cuiusdamq; viri magni nominis cadauer sollicitè querebant. Confestim id nostris, tum etiam de noua castrorum oppugnatione ex Turcis ea nocte captis innotuit. Ea propter Generalis Polonus, noctu Castra Cosacorum inuifit, animatq; non esse metuendos hostes, qui nec fortuna, nec animo, hætenus pares nobis fuissent. iubet vt pars exercitus Cosacorum propugnaculis; pars equis paratis infistat, adiūgitq; ipsis cohortes peditatus Pruthenici, sub ductu Palatini Culmëfis, eosq; Cosacis in propugnaculis immifcet: is enim peditatus tam in acie, quàm ex castris rem strenuè bombardis gerebat. In castris autem Polonorum miles hastatus in ordine in aciem progressurus signum expectabat.

## Die octaua Septembris.

**V**ix illuxerat dies, cum pars exercitus Turcici in acie constitit, in fronte Ianiceri, in vtrifq; alis ingens Tartarorum numerus, facto clamore in aduersa Cosacorum castra impetum faciunt; Altum à Cosacis tenebatur silentium; vt hostis propius accedens, commodius iaculis peteretur. Iamq; Tartari vndique castra obequitantes, ardentes iaciebant sagittas, Ianieeriq; in fossas insiliebant, cum subito instructus ille peditatus ex munitionibus erigitur, schlopetisq; comminus certat. Visa sunt tunc castra Cosacorum

eorum ardere, infumòq; & excitatis pulueribus res dubia videbatur. Inermes Tartari à castris fugiunt; atrociter Ianiceri oppugnationi insunt, tergiuersantes alij, à Spaghij iussu Imperatoris in arma Cosacorum more pecudum impelluntur, fracti tamen à Pruthenico peditatu, in sua castra regrediuntur. Hæc oppugnatio horis fermè quatuor, cum magna hostium interiectione durauit. In ipsis castrorum fossis Ianicerorum tria millia, trecenti verò Spaghij cedere, quorù corpora Prutheni pedites spoliata in tumulos à castris remotiores iniicere, ignibusq; per campos consteruatorum f. tor cadauerum à castris arcebat.

Ex nostris pauci desiderati, in propugnaculis enim dimicatum fuit, vbi Ianicerorum furia offendi non poterant.

Eodem die Saidaczny Cosacus, primarium Cosacorum Ducem Brodavvka dictum, qui ipsum anno superiore, publicis factionibus, eadem prærogatiua spoliauerat, rapinarum, tardiorisq; quam necessitas, & imperium Generalis Poloni ferebat in castra aduentus, accusatum, ac pro more, institutoq; militari mortis damnatum, mediante Generalis Poloni decreto, gladio percuti iussit, ipseq; à Generale Dux Cosacorum proclamatus.

## Die nona Septembris.

**I**mperator Turcarum post meridiem vniuersum exercitum in aciem produxit. nec Generalis Polonus detrectauit pugnam, sed instructo pro castris exercitu, eius hosti copiam fecit; vtrinque ordinatæ acies vsque ad solem declinantem nemine initium pugne dante steterunt, à munitionibus tantum, & propugnaculis, tormentis bellicis vibratum fuit. Sub vesperum Ianiceri castra Cosacorum acriter oppugnant, quos tamen ipsi à castris pepulere. Transfuga, qui ea nocte ad castra Polonorum venit, retulit Spaghios, qui iussu Imperatoris, Ianiceros ad Castrorum Cosacorum oppugnatio-

nem

nem præibant, supra ducentos, Ianicerorum verò duo millia perijisse.

### Die decima Septembris.

**T**Vrcæ tot dadibus fessi quieuerant per pontemque à latere castrorum Polonicorum, in flumine Tyras fabricatum, multa tormenta bellica traiecerant.

Hoc ipso die Cham Tartarorum, cum suo exercitu in vteriori fluminis ripa, in eo loco, quo in Poloniam iter fuit, castrametatus est, partemque exercitus sui ad prædandam vniuersam Podoliam dimisit. Perculit ea res animos Polonorum militum, hostis enim omnia itinera obsederat, nullaque de castris in patriam mitti, ex eaque accipi notitia potuit: nec sperabatur amplius, fame iam nostro exercitui laboranti, quauis arte, & virtute succurri posse. Fumabat in conspectu Polonorum exulta ab hoste Podolia, tantaque hominum, & bestiarum præda in ipsis hærebat oculis. Ardebat miles Polonus vltima acie cum hoste rem gerere; poscebat Cosacus traiecto flumine cum Tartaro congregi, eumque de viarum obsidione propulsari promittebat. Hæres missa in consilium fuit, deliberatumque est, non esse diuidendum robur exercitus; diuiso enim, facilius hostis cum tantis copijs preualiturus credebatur, eodem loci aut moriendum, aut atrocissimo resistendum hosti, virtus, & prospera contra ipsum hæcenus barbarum fortuna monuit.

Altero die Serenissimus Vladislaus Princeps, atque Polonus Generalis ex continuis fortè vigiliis in febrem incidere, id exercitui Polono luctuosum fuit; basis enim exercitus, & Regni Poloniae in his consistebat duobus.

### Die vndecima Septembris.

**P**rodiierunt e castris Turcæ, compositisque ordinibus, dimidio germanico milliaria castris nostrorum in acie;

Itete-



steterunt. Confestim Generalis Polonus nimis iam æger, dato signo, velitationibusque præmissis, dimidiam exercitus partem ad instar aquilæ expandentis alas, vsu antiquo patriæ ordinatam in campum producit. Conspectis nostrorum signis Othomanus, pugnamque sibi præberi; aliæ quantum attonitus stetit. Tandem siue pavor, siue Dei ordinatio ipsum protinus, conuulsis signis, in castra reducit. Polona acies toto die stetit instructa, sonoque buccinarum hostis prouocatus non comparuit. Malo quodam augurio territus dicebatur. Eodem die ex aduersa fluminis ripa, castra Cosacorum cōtinuis iaculationibus hostis impetiuit, sine tamen hominum, equorum verò notabili damno.

- Aliquot Tartarorum millia, in altera fluminis ripa, factō cum ingenti vociferatione impetu, pontem Polonorum, rumpere conabantur; sed à ducentis peditibus Polonis, qui in præsidio pontis steterunt in fugam conuersi sunt.

### Die duodecima Septembris.

**P**ost mediam noctem, relicto cum sufficienti præsidio in Castris Serenissimo Principe; uti ægroto, exercitus noster, ut hostem inopinatō inuaderet, eductus, & vna pars illius à tergo hostilis exercitus, longo per sylvas, & nemora circuitu factō, altera verò à fronte & lateribus instructa fuit. Imber ingens propositum inhibuit: sperabatur tamen commodiorem tempore ad effectum deduci, nam exercitus Polonicus ignaro stratagematis hoste, in castra redijt.

### Die tredecima Septembris.

**D**atæ utrinque cadaueribus sepeliendis induciæ.

## Die quatuordecima Septembris.

**I**terum in castris Turcarum diuulgabatur, aliquot triremes Turcarum, à Cosacis in mari Euxino submersas fuisse. Hoc rumore concitatus in rabiem Othomanus validam castrorum oppugnationem die sequenti fieri iubet.

## Die quindecima Septembris.

**V**ix prodierat sol, cum Turcæ, Tartarique Polonorum Cosacorumque castra, à tribus adoriuntur partibus. Visa est ipsa conflagrare, tremereque terra, præ tot tantisque tormentorum, bombardarumque explosionibus. Imperator ipse in editiore loco aderat spectator, nullaque, tot hominum misere pereuntium habita ratione, ad castrorum oppugnationem eos more pecudum sudibus agere imperabat. Duravit toto eo die impetuosa oppugnatio. versu D. O. M. pro bonitate sua vanam, atque irritam hostium vim undequaque reddidit, summa cum ipsorum strage, nostrorum vero per quam exiguo nocumento. Tentata frustra Castrorum oppugnatione, amissis Turcarum Tartarorumque triginta millibus, Ianicerorum etiam, & Spaghiorum tribus millibus, summo cum dedecore receptui cecinit hostis. Vellatus campus ille, æquatæ utrorumque castrorum fossæ barbarorum cadaveribus, militem nostrum ad præstantes ausus ita incendebant, ut non modò per castrorum portas erumperet, verum per aggeres, & fossas transfiliendo comminus cum Turcis rem mira fortitudine gereret.

In hac dimicatione Bassa Budæ nominatus Karakas, vir inter Othomanos Principalis, ipsiq; Imperatori admodum carus, qui perendic ad ipsius castra cum viginti Turcarum millibus venerat, seseq; iacitauerat sibi à Mahumeto, rumpendorum castrorum Polonicorum, fortunam concessam, primus in acie globo in frontem ictus perijt. Hoc idem

subijt



subijt fatum Nasaf Bassa, miræ fortitudinis, audaciæq; vir.

Deflebat Turcarum Imperator eam suorum sortem, nihilque toto die cibi sumpsit; vel maximè ideo, quod nouus percrebuit rumor Serenissimum Poloniæ, & Suetiæ Regē, um validò generalis expeditionis exercitu aduentare.

erruerat ea res hostem, extremam belli fortunam ocyus tentare, oppugnationique castrorum insilere decreuit, fane iam eneruatam, continuisque excubijs fessum fractum in exercitum nostrorum credebat.

### Die decima sexta Septembris .

**C**onsilium habuit Generalis noster adscitis Ducibus, Præfectis, Centurionibus, vt de exercitu fame oppresso consulere. Multæ multorum in consilio strebebant sententiæ. Alij congregiendum esse cum hoste in acie, summamque rerum vni committendā prælio; nec dubitandum esse de fortitudine Polona, ad cuius hætenus arbitrium fortuna regebatur. Hæ voces fermè omnium fuere. Pauci referendum esse pedem ad Camenecum ciuitatem ipso situ naturali munitissimam, inibique exercitum comeatu reficiendum, expectandumque alium Serenissimi Regis exercitum consulebant. In eam tandem sententiam itum est, mortem potius hosti resistendo, oppetendam esse, quàm vno vel minimo passu, barbaro cedendum, ne vel recessu, ingressus in patriam, vel animus pariter debilitato daretur hosti.

### Die decima septima Septembris .

**A**liquot Cosacorum cohortes in castra hostium noctu ingressi plurima tentoria conciderunt, plusquàm mille hostium, absque strepitu bombardarum frameis trucidarunt, saluiq; nemine ex suis amisso redierunt. Iidem etiam ea ipsa nocte, ad pontē per Turcas extructū Circas Bassam,

D

cui

cui commissa pontis custodia fuit, cum multis Turcarum, Ianicerorumq; centenis interfecerunt, multos adduxerunt captiuos, spolijsq; opimis potiti incolumes ad suos reuersi sunt.

Vniuersus exercitus Polonorum, miro ardebat desiderio, idq; solum in votis habebat, vt Serenissimum Princip Vladislaum quamprimum in equo restaurata valetudine conspiceret. Magnum id certè ad præclaros ausus calcar, & incitamentum fore credebatur.

### Die decima octaua Septembris.

**A**ltera vice Cosaci noctu hostium castra sine strepitu ingressi plusquam sexcentum ex hostibus necauere, plurimos papiliones, equos, vestes pretiosas, camelos, boues, multumq; auri, & argenti, tum duo Ianicerorum insignia, ipsi illesi ad sua castra asportauere, eademq; Serenissimo Principi Vladislao obtulere.

Leuioribus prælijs vtrinque certatum fuit vsque ad diem vigesimam quartam, qua Carolus Chodkievvic Generalis graui conflictatus morbo, summo omnium luctu obiit. Ad nuntium tanti viri interitus gestiebat barbarus, omnabaturque, perduto tam fortunato, & animoso Duce, à quo is tot prælijs cæsus, tot oppugnationibus repressus erat, de fortuna Polonos multum decessuros.

### Die vigesima quinta Septembris.

**A**B omni parte Othomanus castra Polonorum inuadit, totaq; suarum virium mole, ac vniuersis simul equestribus, & pedestribus copijs castra adoritur. Nostris, quamuis Dux defuisset, tanto magis grauer egroto Serenissimo Principe, quo omnes spem vnicam locauerant, animus tamen non defuit. Atque ductu Stanislai Lubomirski

Comi-

Comitis de Visnic Campiductoris vis hostiū ita repressa ,  
vt eo diē plusquam octo Othomanorum millia in acie cēsa  
fuiſſent.

### Die vigesima sexta Septembris.

**C**Um Othomanus, nec iam fortunæ, nec vi potiundo-  
rum caſtrorum ſpem habuiſſet, viſeq; exercitus ſui  
attenuari in dies magis, ac magis vidiffet, perditis quatuor  
Principalibus Baſſis, tantisque ſuorum millibus, is qui ante  
paucos dies iugum ceruicibus noſtris ſe impositurum ſu-  
perbè iurauerat, pacem periurus amplecti cupiebat. Dimi-  
ſit cum literis ad caſtra noſtrorum quendam Baptiſtam.  
Vinellium Italum, vt is Polonos ad renouandam tot ſecu-  
lis ab Othomanica domo, Regibuſq; Poloniae, ſeruata  
hortaretur pacem, Commiſſarioſq; ad eandem tractandam  
poſceret. Res ea elatum proſpero præliorum ſucceſſu ac-  
ceptandæ pacis pertinacem, ſed fame iam fractum militem  
Polonorum reddebat hilarem. Non tamen hoſti tot vici-  
bus ſœdiſfrago credebatur.

### Die vigesima septima Septembris.

**T** Vrca, quamuis pacem poſtulauerat, caſtra Coſacorū  
tormentis multum, diuq; oppugnauit, quibus cū nihil  
profeciſſet, caſtra cominus adoriri cœpit; verū vbi Co-  
ſaci pro caſtris in acie conſtiterunt, hoſtis retroiuit.

Eodem die Sereniſſimus Princeps confirmatus ex an-  
cipiti, & periculoſo morbo, quo ſummo cum totius exercitus  
mœrore laborabat, caſtra, perſonantibus vndique fauſtis  
militem acclamationibus, obequitabat.

His etiam diebus Coſaci caſtra hoſtium inopinatè inua-  
ſerunt, ſtrageq; in ipſis edita, ingenti trepidatione hoſtilē  
exercitum perculerunt, opimiſq; onuſti ſpolijs, in caſtra in-  
columes redierunt.

## Die vigesima octaua Septembris :

**I**mperator Turcarum constituit vltimā tentare belli fortunam, atque re prius cum Tartariæ Chamo communicata, die illucescente exercitum longis agminibus ad oppugnationem castrorum producere cepit, in modumque coronæ munitiones, & castra Polonorum cinxit, plurima tormenta bellica à tribus castrorum partibus, traiectis triginta alijs in vltiorem fluminis ripam collocauit, ex iisdemque vtraque castra per spatium aliquot horarum nec quidquam impetiuit; nam in castris nostrorum tres tantum globo icti periere. Deinde cum binas ad castrorum portas ad quam alteram Campiductor cum sua phalange, & Palatinus Culmēsis ad alteram cum Pruthenorum cohortibus in statione erāt, plurima tormenta ab hoste vibrata, ex omnibusque partibus creber impetus, desilientibus ex equis, Turcis, seseq; Ianiceris, ac pedestribus copijs ad oppugnationē castrorum adiungentibus, factus fuisset; vnde quaque Poloni cæca barbarorum rabie premebātur. Erant iam hostes spe expugnandorum castrorum ita inflati, vt passim in velitationibus Polonos territarent, ad aliquot tantum horarum spatium vitam, atque salutem ipsorum duraturam. Iamq; barbari per fossas cadaueribus ipsorum repletas, in castra Polonorum ruebant, fessiq; cæde hostium nostri propugnaculis castrorum cedebant, cum subito Serenissimus Princeps, submisso debilitatis castrorum partibus auxilio, militem ad resistendum hosti reuertit. Inquebat ille, non esse fortitudinis Polonæ, fracto iam tot prælijs, & oppugnationibus hosti, hac vna cedendum hora, quin immò hic standum, & moriendum; hostem iam vltimum belli discrimen tentare, quo superatum, amplius, nec fortuna, nec ausu nobiscum collaturum manus. Hæc dum dixisset, primus in hostem cum duobus hastatorum equitum millibus referatis

tis castrorum portis, à latere proruit, atrociq; cōmisso praelio, boni militis, & animosi Principis exemplar, ita omnes animauerat, vt passim effusi ex castris, hostem iam iam vincentem reprimerent, eumq; in castra sese recipientem, animosè prosequerentur. Serenissimum Principem Stripatores à sequitando hoste retinere, nè hostis fugitiuus cadente iam Sole, effusos è castris Polonos, aliquo stratagemate circumueniret.

Sub id tempus ingentes Tartarorum copiæ in castra nostrorum ex vltiori fluminis ripa tranare sæpius conati, vbi tamen Polonos intrepidè in ordinibus stare fortiterq; ac prosperè contra Turcas rem agere conspexerunt; frustra tētato impetu cum cæde suorum recesserunt. Cæsa sunt eo die plusquā viginti hostium millia, ex Ianicris, & Spaghij quinque millia periere; ex nostris ne ducenti desiderati, multi saucij.

### Die vigesima nona Septembris.

**A**ltum in castris Turcicis fuit silentium. Cadauera vtrinque sepeliebantur.

### Die trigesima Septembris.

**I**am Othomanus feruentius vrgebat pacem, missisq; obfidibus, Commissarios de pace tractanda, ad sua castra, mitti postulabat. Deputantur à Serenissimo Principe, & exercitu Commissarij, acceptisque obfidibus in Turcarum castra, cum selectis ducentis equitibus mittuntur. Hos duo Bassæ cū aliquot Turcarū cētenis, medio inter castra spatio, expectabant. demū cōgressi, factaq; de more militari salutatione, vnus ex Cōmissarijs Polonorū inquit. Pacē, & bellū vobis, vestroq; Imperatori ferimus. at Turcæ ingemiscendo concordī clamore; Pacem nobis; & Imperatori nostro

iam optatam fertote. Tum ad castra Turcarum ventum; omnium barbarorum ora, oculique in nostris fixa fuere. Benignè à Turcarum Imperatore suscepti; coram de pace tractatum est.

### Die prima Octobris :

**I**Verat paucis ante diebus cum delecta peditum manu ex castris Polonorum Camenecum versus Capitaneus Vilneusis, ut comeatu iam exhaustum exercitum reficeret. Huic redeunti Turcæ Tartarique iter præcluserant; salutem enim exercitus nostri in eo comeatu, quem allaturus erat, consistere arbitrabantur. Quo ipse per exploratores cognito, per osti duum sub Cameneco cum toto agmine stetit, & sæpè iter apparabat, ac denuò ibidem restare cogebatur; numerosa enim conspiciebantur in latè patentibus campis Tartarorum agmina, qui omnia itinera infederant. Verùm Polonus, ut hostem eluderet, noctu dextrorsum iter diuertit, ad flumenq; Tyras, ignaro hoste, longiore via peruenit, salvoq; milite, & comeatu, sub castris constitit. Re cognita, Tartari ipsum adoriebantur; verùm ex castris, arcèque Chocim tormentis bellicis petiti, recessere.

Eodem die venerunt ad Serenissimum Principem Legati à Cosacis Oram ad flumen Olgam incolentibus.

Summa Legationis erat, Eos cum exercitu viginti milium in castra Serenissimi Principis hinc post tres dies venturos, promptamq; ac fidelem operam ipsi, eo bello, contra communem Christiani nominis hostem nauaturos. Accepti sunt ab Serenissimo Principe liberaliter, responsumque ipsis est, ut si quando venerint, signa, & vexilla Regia ipsis conferri.

## Die secunda Octobris.

**C**Apti sunt aliquot hostium, & nonnulli ad nostros desciverunt, hi constanter affirmabant Turcas pertæsos belli, paci studere, eāq; ab Imperatore suo grauissimis efflagitationibus palam extorquere. Hactenus nihil Commissarij in castris Turcarum de pace concluderant.

## Die tertia, & quarta Octobris.

**P**Abulatores Polonorum cum Turcis per quam creberrimis prælijs cum magno hostium damno certabant, multos equos in castra asportabant. quocirca ad Turcarum postulationem, securitas vtrunque proclamata, armaq; suspensa, donec vel pax, vel bellum decerneretur.

## Die quinta, sexta, & septima Octobris.

**C**irca pacis conditiones vtrunque actum est. Erat iam in summa comeatus angustia exercitus noster; frondibus quercineis pascebantur equi, ac proinde ingens eorum numerus, incredibili exercitus damno periit. Quæ res pacem potius amplecti, quam incertam victoriam profequi, in votis unicuique fuit. Meliorem tutioremq; esse honestam pacem, sperata victoria: nec tot oppugnationum præliorumq; felicitatem, vnius horæ discrimini committendam: Mars belli communis in animo proponebatur; vtrunque ferrum; Turca adhuc milite superior erat: omnia in pace iungenda nostræ potestatis fueré, quæ in ultimo conflictu, arbitrio fallentis fortunæ subiecta forent.

## Die octaua Octobris.

*Sub Vesperum pax conclusa fuit, & his quidem conditionibus.*

- 1 **V**T Imperator Turcarum primus ex acie cum suo exercitu, & armis spectante, in acieque ad prælium instructo Polonorum exercitu, hinc post tres à pace conclusa dies discedat, exercitumque vniuersum in Thraciam velociter abducatur.
- 2 Vt arx Chocim propugnaculum Valachix, & porta in Imperia Othomanica; temporibus perpetuis ad Regnum Polonię pertineat.
- 3 Vt omnes captiui, tam in præcedentibus, quàm præsentibus prælijs capti, vtrinque restituantur.
- 4 Vt antiquis Casimiri Iagelonis Regis Polonię, & Mahumeti Turcarum Imperatoris de alternato in Valachiam dominio, pactis conuentis stetur.
- 5 Nec Tartari inditiones Polonię, nec Cosaci in dominia Othomanica ad damna facienda irruant: secus, damna illata resarcienda.
- 6 Vt Tartarorum Cham ad omnem requisitionem Regis Polonię in omnibus expeditionibus bellicis, contra quosuis Regni hostes cum suo exercitu pareat. Cui triginta florenorum millia Rex Polonię pro stipendio annuatim dabit.
- 7 Ex parte Turcarum Imperatoris vnus Bassa, ex parte Regis Polonię vnus Senator Regni, hic ad portam Othomanicam, ille ad Regem Polonię ad iuranda pacta legati, mitti quamprimum debent; firmatisque fœderibus, tùm Othomanus in Curia Regis Polonię, tùm Rex in porta Othomana, Agentes suos habebunt. Aeuiternaq; amicitia fruentur, dummodò hæc à quavis parte non violetur.



Hęc pacta, & pax à Cofacis Polonorum, cum Tartaris in mari Euxino, & fluminibus, circa piscationem, tum in campis inhabitatis circa venationem præliantibus, violari non debet.

His factis conditionibus, istoque fœdere, Turcæ tota ea nocte tormentis bellicis triumphauere. illucescente die, idem à Polonis actum est.

### Die nona, decima, & vndecima Octobris.

**I**Nter utrosque exercitus mercimonia exercebantur, multa præstantium equorum millia nostri ab Othomanis vili emerunt pretio.

### Die duodecima Octobris.

**M**ouendis Turcarum castris, cedendique ex acie dies præfixus venit. Vniuersus exercitus Polonorum in acie à Serenissimo Principe ad formam expandentis alas aquilæ armatus, ordinatur, ipse Serenissimus Princeps super arma splendentia amictus purpura, in fronte exercitus stetit. Sub meridiem Turcarum Imperator exercitum ex castris educit, ordinarique ad instar mediæ lunæ iubet, ipse in fronte exercitus comparuit. Vna fermè hora immoti exercitus stetere. Mittit Othomanus Elephantem miræ magnitudinis, equum phaleratum raræ præstantiæ in donum Serenissimo Principi. tùm Serenissimus Princeps eundem æquo itidem phalerato, & duis bombardis miro opere factis, remuneratur. Suscepta vtrinque dona; ac demum inclinatis capitibus, hastarumque motu Turcæ Polonis valedixere. Polonus verò exercitus nutu capitum valedictionem fecit.

Iamque Serenissimus Rex Poloniæ numerosas contra eum hostem, in Valachia infaustis prælijs, cum Serenissimo Prin-

Principe Vladislao dimicantem, copias ex nobilitate Polonia viritim more maiorum scriptas, ducebat, Leopolumque cum centum quinquaginta nobilium millibus peruenerat; cum ad ipsum perfertur Turcarum Imperatorem, isto cum Polonico exercitu foedere, reliquias exercitus sui ultra Danubium reduxisse. Quæ res, & si à principio Serenissimum Regem ita commouerat, ut in ancipiti cura, atque deliberatione multum, diuque versaretur; acceptandumne ipsi foret foedus cum hoste, ipso inconsulto ictum? an hostis, qui quadrigentis barbarorum millibus, & tanto bellico apparatu, expugnandisque urbibus aptis instrumentis fretus, se vniuersam Europam bellis civilibus flagrantem (hoc enim conatu bellum susceperat) expugnaturum crediderat; idem plusquam decies nec quidquam tentata castrorum oppugnatione, magnis acceptis cladibus, amissis magni nominis quatuor Bassis, centumque, & sexaginta Turcarum Tartarorumque millibus, pacem petere, eamque æquissimis conditionibus constituere, inglorius, ac victo similis abire conatus sit cæpto victoriæ cursu persequendus?

Causæ suscepti foederis.

Res Polono fuit cum eo hoste, qui semel iterumque victus, sæpius deinceps vincendus esset, cum quo tot sæculorum spatio, alios potētissimos populos, & Reges incassum bellare cernimus, cui ad nos aditus facilis, qui quoties ipsi paruerit, siue per Scithiam, siue per Valachiam, siue per Vngariam, vno, eodemque tempore, ingentia barbarorum agmina in Regnū Poloniæ effundere queat. Sustinuissent Poloni vno, & altero anno hostis tam potentis impetum, sociorum fiducia; nisi perspectū haberent, eos ipsos socios, amicosque, vel domesticis distineri bellis; vel ita comparatos esse; ut alienis periculis, etiam si mox ea sibi impendeant, parum admodum moueantur; vel denique ita remotos, ut velocius ad eos ruinæ, quàm periculi Polonorum, fama esset peruentura. Denique fessis & exhaustis Polonis bellum arbitrio hostis habendum esset: frustra vicinorum imploranda

anda auxilia, postremò pax ijs acceptanda conditionibus, quas Turca tulisset.

Nunc extorta ab hoste, honesta Polonis, illique ignominiosa pax habetur. non illa quidem solida nam alij nominis Catholici hostes, qui eadem occasione, ad perniciem nostram uti voluerunt; nunc quoque Regno Poloniae faciunt negotium. Inuasit Suecus Liuoniam per fraudē Caluiciorum Rigam interceptit, ciuitatem nobilē portu ijs. plane diebus, quibus cum Turca, & Tartaro (duobus Christiani orbis terroribus) Polono res fuit: plus etiam tentare ausus fuisset, nisi oppositus exercitus Regius audaces illius conatus repressisset. quis iam cum iuratum portē Othomanicę socium esse dubitabit? Idem de S. C. Maiestatis rebellibus, Vngaris, Bohemis, Morauis, Silesijs certo affirmare licet: arrexerant & hi animos in perniciem Regni Poloniae, tū potissimum Schismatica Moschi gens sperauerat, ac nemo fermē erat, qui illud periturū non auguraretur, quique votis conceptis non desideraret. Denique hoc ipsum belli Turcici periculum, ex ipso Hæreticorum consilio emanauit: quare, vel illi præcipuē dolent in vanum abiisse Turcos conatus, ut qui tota si possent, nos bellorum maximorum mole obrutos esse cuperent. Prospiciendum erat maturē Polono, ne ab omnibus circumuentus, laboraret, cum Turca transiegit pacem, atque utinam duraturam: cum reliquis bellum integrum manet.

His de causis pacem potius amplecti visum, quæ satis haberet & gloriæ ad posteritatem, & firmamenti ad Regni Poloniae tranquillitatem, quam dubijs belli euentibus paratam gloriam, communemque totius Christianitatis causam committere. Satis, superque mirabilem operatur Deus inter tot, tantorumque hostium impetus, fluctuanti Regno Poloniae fauit, ut illud suis viribus innixum, repressis duobus potentissimis Turca, & Tartaro Asiae Monarchis; cęsisque plussquam centum sexaginta barbarorum millibus; nedum

mille

mille ex suis perdiderit. Ipse D.O.M. cum nostris fuit, quo  
præsente, cadent à latere nostro mille, & decem millia à  
dextris nostris.

Atque eo modo, quod Regno Poloniæ, ac vniuersæ Rei-  
pub. Christianæ felix, ac auspicatum esse precamur, bellum  
id, non tam temporis diuturnitate, quàm apparatus ma-  
gnitudine, præliorum numero, cæsum hostium ingenti  
multitudine; causæ pro qua belligeratum est equitate Su-  
peris fauentibus gestum.

L A V S. D E O.

